

**Ođasmahtton dieđáhus čakčamánu 6. b.
2024**
**Vuoksavuona bieggafápmorusttet
Dieđáhus ja čielggadanprográmma
evttohus**



ČOAHKKÁIGEASSU

Finnmárkku bieggaresurssat gullet Eurohpá buoremusaide ja bieggafámu potentiála lea stuoris. Fylkkas lea maiddái stuorra sávaldat ja hállu viiddidahttit bieggafámu. Finnmárkku fylkkagielda lea ožžon áigái strategiija hukset 2GW bieggafámu ovdal 2030. Ráddehus lanserii borgemánus 2023 «fápmo- ja industriijaloktema» Finnmarkkus. Ulbmil lea ahte Finnmarkku ođasnuvi fápmobuvttadeapmi ovdal 2023 lassánivččii juobe seammá ollu go dat golaheapmi man fylkka viiddiduvvon industriija buvttášii mielddis.

NVE hálida geahčadit buot konkrehta plánaid cegget ođasnuvi fápmobuvttadeami Finnmarkkus ja lea danin ávžžuhan guoskevaš aktevrraid sáddet dieđáhusa plánaideaset hárrái ovdal cuonomanu 22. b dán jagi.

Doaibmabiddji, Arktis Energi AS («AE»), vuollefitnodat mii ollásit gullá H2Carrier AS:ii, buktá dáinna lágiin ođasmahtton dieđáhusa ja čielggadanprográmma evttohusa Vuoksavuona bieggafápmorusttega (OV) várás. Das lea gitta 600MW installerejuvvon effeakta mii gokčá 60 km² guovllu Bjørnvikfjell oarjelis Gidnenjárggas. Dat lea Gámgaviika ja Davesiidda gielddain.

Areálajuohku ja sulastuvvon effeavtta ja buvttadeami juohku dan guovtti gielddas lea čilgejuvvon oanehaččat tabeallas dás vuollelis:

Tabealla 1-1

	Areála km ²	Installerejuvvon effeakta	Jahkášaš buvttadeapmi
Davesiidda gielda	34km ²	389 MW	1 636GWh
Gámgaviika gielda	26km ²	209MW	879GWh
Oktiibuot	60km²	598MW	2 515GWh

Jahkášaš buvttadeapmi lea árvvu mielde 2,5 TWh. Plánedettiin bieggafápmorusttega pláne Doaibmabiddji maiddái hydrogena- ja ammoniáhkabuvttadeami ovttá govdu buvttadanrusttegis. Dat galgá ceggejuvot Gihpovutnii Davesiidda gildii. Vuordaga mielde Gihpovuona buvttadanrusttet golaha oasi fápmobuvttadeamis.

Sihke bieggafápmorusttet ja hydrogena- ja ammoniáhkarusttet addá ođđa industriijadoaimmaid, bargosajiid ja árvohuksema báikkálaččat ja regiovnalaččat.

Čorgašnjárga lea guovlu mii lea lunddolaččat juohkásan guovtti gildii, Gámgaviika ja Davesiida. Guoskevaš plánaguovllu geavahit goappašiid gielddaid ássiid johtima, olgoeallima ja rekreašuvnna várás - boazodoalu lassin. Dasa lassin goappašiin gielddain leat hástalusat mat čatnasit olmmošlogu- ja ealáhusstrukturvrii. Lea dárbu háhkat lasi almmolaš sisaboaid, báikkálaš árvohuksema ja bargosajiid. Doaibmabiddjái lea danin leamašan dehálaš hábmet muttagis ja ollislaš doaibmabidju mii gokčá Čorgašnjárgga goappašiid gielddaid. Vuosttažettiin dat mearkkaša juohkit árvohuksema, bargosajiid ja gielddalaš sisabohtovuodu vejolašvuodaid. Nuppádassii dat mearkkaša juokit luonddusisabahkemiid, nugomat areáladuogštus, bieggaturbiinaid, infrastruktuorra ja nu ain. Bieggafápmohuksen lea digaštallanášši. Sáhtá čuohčit lágideaddji gielddaid ránnjágielddaide, jus huksegoahtá luondduguovlluin ja dáinna ráddje guovllu mearkkašupmi johtimii, rekreašuvdnii ja olgoeallimii, ja/dahje go váikkuha dasa maid ránnjágielddaid ássit šaddet oaidnit birrasiin. Danin lea dehálaš balanseret buriid ja bahá

beliid ja ahte goappašat gielddat ožžot muttágis oasi buriin beliin. Dainna lágiin šattašii buot Čorgašnjárgga ássiide ávkin.

Doaibmabiddji áigu láchčit gielddaidgaskasaš oktasašbárggu hábmedettiin ja čadahettiin plánenbarggu. Dát attášii gievrrat regiovnálaš deattu ja sihkkarasttášii koordinerema gielddarájiid rastá. Dat geavahivččii vel dan guovtti gieldda plánengelbbolašvuoda buorebut ja ollislaččabut. Livččii stuorit fágabiras fuolahivččii gielddaid dárbuid ja hástalusaid. Váilevaš koordineren doalvošii hádjásan čovdosiidda dain luonduguovlluin ja orrun- ja bargomárkaniin mat muđui leat oktasaččat.

Áigumuš lea ovttahttit Vuoksavuona bieggafápmorusttega ja plánejuvnon regionálfierpmádaga buorideami ja viiddideami.

Bieggafápmorusttet loahpalaš sturrodát sáhttá rievdat dieđáhusa árvoštallamis, danin go oktasašbargu gielddaiguin ja fierpmádatoperatevrrain ii leat válmmas, ja maiddái konsultašuvdna vuoigatvuodalaččaiguin ja eará oassebeliiguin.

NVE lea deattthan golbma kriterá maid geavahit go vuoruhá prošeavttaid ođasnuvvi fápmobuvttadeami hárrái. Vuosttaš kriterá čatnasa lágideaddji gieldda hállui ja beroštupmái čadahit guovloregerema bieggafámu várás. Doaibmabiddjis lea buorre dialoga Gángaviika ja Davvesiidda gielddaiguin, main lea posiitiiva oaidnu ođđa bieggafápmui. Doaibmabiddji ásahii 2022 oktasašbargošiehtadusa Davvesiidda gielddain lágidit hydrogena ja ammoniáhka buvtadeami man vuoddu lea ovdánahttit ođđa ođasnuvvi fámu gielddas. Goappašiid gielddaid gielddastivrrat leaba dohkkehan Vuoksavuona bieggafápmorusttega plánenbarggu álggaheami.


Dasa lassin NVE deattuha ahte prošeakta heive oktii bieggafámu fylkkaosseplánain. Regiovnálaš bieggafápmoplána (2013-2025) čilge ahte fylka vuoruhá stuorit prošeavttaid ovdal mángga smávva, vai nagoda koordineret fierpmádatčovdosiid ja olahit sturradoaimmaid ovdamuniid. Dasa lassin čilge plána ahte «deháleamos bargu ovdánahttit ealáhusaid Finnmárku bieggafámuš, lea láchčit nu ahte bieggafámu sáhttá hukset dainna lágiin ahte ii čuoze eará ealáhusaide. Plána árvala Čorgašnjárgga vejolaš guovlun gosa hukset bieggafámu boahteáiggis. Vuoksavuona bieggafápmorusttet vástida danin buori muddui fylkkagieldda vuoruhusaide ja ávžžuhusaide ođasnuvvi fámu viiddideami hárrái.

Goalmát kriterá guoská prošeavtta ja boazoguohtuma beroštumiid oktavuhtii. Vuoksavuona bieggafápmorusttet váikkuha areálaide maid orohat 9 Čorgaš geavaha. Oroaht čilgii ovttá reives man beaivi lea 2024.06.04 Davvesiidda gildii iežaset oainnu mot evttohuvon doaibmabijut Čorgašnjárggas sáhttet čuohtit boazodollui. Vuoksavuona bieggafápmorusttega dáfus boahdá reives ovdan ahte boazodoalu atná sturra osiid álgooplánaguovllus Skjötningbergas erenoamážit dehálažžan boazodollui. Davvenuortan álgooplánaguovllus ja guovlu mii maiddái adnojuvui dehálažžan boazodollui.

Orohaga 9 cealkámuša vuoddu Doaibmabiddji válljii unnidit álgooplánaguovllu ja sihkui guokte dain guovlluin mat boazodoallu anii hástaleaddjin. Dát ođđa dieđáhus čilge rievdaduvvon plánaguovlu.

Orohat 9 doalai čakčamánu vuosttaš vahkus čoahkkima doaibmabiddjiiguin ja Arktis Energi doalai sullasaš čoahkkima čakčamánu 3. b. 2024 čielggadan dihte proseassašiehtadusa ja proseassa ovddosguvlui, ja oahpásnuvvan dihte Čorgašnjárgga boazodollui.

Gárta dás vuollelis čájeha plánaguovllu:



Figurva 1-Bajilgova Vuoksavuona bieggafápmorusttega plánaguovllus

Gustovaš lágaid mielde lea dieđáhus válmastuvvon dieđihan dihte huksenplánaid. Dasa lassin dieđáhusas lea gaskaboddasaš árvoštallan doaibmabiju konsekveanssain birrasii, luondduresurssaide ja servodahkii. Dan vuodđu lea eanas dat dieđut mat juo leat almmolaččat oažžumis. Dieđáhusas lea maid čielggadanprográmma evttohus.

Eananbieggafápmu mas lea eambo go 1MW installerejuvvon effeakta gáibida rusttetkonsešuvdna energiijalága mielde ja dohkkehuvvon guovloregulanplána plána- ja huksenlága mielde. Plánaevttohusa ja konsešuvdnaohcamuša vuodđu galgá leat ea.ea čadahuvvon konsekveansačielggadeamit plána- ja huksenlága 14. kapihttala gáibádusaid mielde.

Bieggafápmorusttegiidda main lea unnit installerejuvvon effeakta go 10MW gáibiduvvo dieđáhus mas lea čielggadanprográmma/plánaprográmma. Dát dokumenta lea gárvvistuvvon nu ahte energiijalága ja plána- ja huksenlága gáibádusaid dieđiheami ja plánaprográmma hárrái ollašuvvet. Dieđáhusa ulbmil lea addit dieđuid eiseváldiide, guoskevaččaide ja allmolašvuhtii ahte plánenbargu lea álgán. Guoskevaš gielddat ja NVE barget ovtta dieđáhus/plánaprográmma gulaskuddamiin. Gulaskuddama cavgileamit šaddet dehálaš vuodđu eiseváldiide mearridit loahpalaš čielggadanprográmma. Dat veahkeha hábmet konsekveansačielggademiid, mat fas láchčat buori vuoddu hábmet plánaid ja eiseváldiide vuoddu dahkat mearrádusaid dohkkehito vai eai dan guovloplána ja rusttetkonsešuvdna ohcamuša. Finnmárolága ja Sámelaga mielde oažžu dialoga boazodolliiguin stuorra deattu dán proseassas.

Nugo badjelis namuhuvvui barget lágideaddji gielddat ja NVE ovtta ja koordinerejit plánaproseassa plána- ja huksenlága ja energiijalága mielde. Doaibmabiddjiid main lea ollásit dahje belohakii latnjalas plánaguovllut lea NVE sihtán koordineret doaibmabijuid ja doaimmaid mat leat gulaskuddanproseassa ja čielggadanprográmma áigge. Dainna lágiin noadđi ja báikkálaš deaddu goalmmát oassebeliide (nugo boazodolli) unnu. Arktis Energi doarju prinsihpas dakkár koordinerema ja lea álggahišgohtán ságastallamat eará doaibmabiddjiiguin. Daid ságastallamid loahppaboáđus ii leat čielgan vel.

Loahpalaš huksenplánat eai mearriduvvo ovdal huksemiid konsekveanssat leat čielgan ja molssaevttolaš čovdosiid leat árvoštallojuvvon. Danin mii fuomášuhttit ahte dán dieđáhusa dieđuid galgá atnit gaskaboddasažžan. Go loahpalaš konsešuvdnaohcamuš lahkona sáhttet plánat muddejuvot veháš.

Dát dieđáhus ii govčča hydrogena ja ammoniáhka buvttadanrusttega. Dat šaddá fáddán sierra eiseváldiproseassas.

Dieđáhus sáddejuvvo Norgga čázádat- ja energiijadirektoráhtii (NVE) mii gieđahallá dan gustovaš lágaid mielde. Gulaskuddancealkámušat sádde dán čujuhussii:

Norges Vassdrags og Energidirektorat (NVE), Postboks 5091 Majorstua, 0301 Oslo

Dieđáhus ja eará gullelaš dokumeanttat leat lohkamis neahtas dán neahttabáikkis:

<https://www.nve.no/konsesjon/konsesjonssaker/>

[Arktis Energi AS](#)

[Mårten Lunde](#)

1 Doaimbaidddji presentašuvdna

Doaimbaidddji lea Arktis Energi AS man čujuhus lea Davvesiidda gielddas. Dat lea vuollefitnodat mii 100% gullá H2Carrier AS:ii.

H2Carrier ásahuvvui 2020. Fitnodat geavaha guoddevaš čovdosiid industriála skálás. Daid čovdosiiguin oažžu fas áigái ođasnuvvi fápmoresurssaid.

Okta čoavddus lea buvttadit ruoná hydrogena ja ruoná ammoniáhka nu gohčoduvvon govdu buvttademiin. Dan vuoddu lea moattelohjakhásaš oadjebas ja dorvvolaš offshore oljo- ja gássabuvttadeapmi – «floating production, storage and offloading (FPSO)».

H2Carrier bargiin lea fágaidrasttideaddji čehppodat ja vásáhusat earret eará govdu oljo- ja gássabuvttadeamis, bieggaturbiinnaid off-shore installašuvnnas, eananbieggafámus ja elektrolyserindustriijas.

H2Carrier oažžu áigái prošeavttaid miehtá máilmmi buvttadan dihte ruoná ammoniáhka iežas govdu buvttadančovdosiin, man namma lea «P2XFloater™». Prošeavttat gusket eanemusat ruoná ammoniáhkii:

- energijaguoddi dekarboniseren dihte omd. koallafápmorusttegiid
- boaldámuš maritiima sektoris
- buvttadit fossiillahis gilvagiid biebmobuvttadeami várás
- hydrogenaguoddi sirren dihte hydrogena ja ammoniáhka manjel fievrredeami

Govva dás vuollelis čájeha govdu buvttadanrusttega (P2XFloater)



Figuvra 1-1 P2XFloater Gihpovuonas

Skiippain sáhttá jođánit doalvut dan buvttaduvvon ammoniáhka guhkes gaskkaid riikii dahje olgoriikii geavaheddjiide. Sáhttá vel doalvut hydrogena ja ammoniáhka lagas báikkiide gokčan dihte mearrajohtolaga, industriija ja fievrredeami dárbuid.

Fápmu dikšojuvvo báikkálaččat ja dainna lágiin fitnodat deattuha ráhkadit ollislaš čovdosiid mat váldet vuhtii báikkálaš ja regiovnnalaš čanastagaid ja árvvuid. Dainna lágiin nanosmuvvet sihke lágideaddji gielddat ja lagas gielddat.

Tabella 1-2 Dieđut Doaibmabiddji birra

Doaibmabiddji	
Fitnodatnamma	Arktis Energi AS
Organišuvdnanummar	932 411 660
Badjefitnodat	H2Carrier AS
Organišuvdnanummar	925976962
Oktavuodaolmmoš	Raymond Bjøntegård, prošeaktajođiheadji
Oktavuodadieđut	Mobiila. 91335481, e-poasta: rb@h2carrier.com
Neahttabáiki	www.arktisenergi.no

1.3 Báikkálaš doarjja

Doaibmabiddji ráhkada jotkkolaš ja proaktiiva proseassa mii dáhkida báikkálaš doarjaga sihke diehtoaddima ja eiseváldiid, ránnjaid ja guoskevaš beroštumiid oassálastima bokte. Goappašat gielddat leaba earret eará leamašan mielde plánen- ja hábmenproseassas. Dát oktasašbarggu galgá joatkašuvvat. Lágideaddji gielddat sáhttet cavgilit ja váikkuhit turbiinnaid ja huksehusaid ceggemiidda, luoddahukseimiidda ja eará infrastruktuurraide. Álbmotčoahkkin lea lágiduvvon Gámgaviikka gielddas ja galgá lágiduvvot Davvesiidda gielddas. Ruovttusiidu mii čilge doaibmabiju lea ráhkaduvvon, geahča www.arktisenergi.no. Dieđut prošeavtta birra leat oažžumis báikkálaš kantuvrras maid Doaibmabiddji áigu rahpat.

Orohagas 9 Čorgaš lea ovddosguvlui guovddáš rolla proseassas. Doaibmabiddji ásaha lagas ja rabas konsultašuvnaproseassa. Dan vuolggasadji lea ahte doaibmabidju váikkuha Čorgaš orohakii. Oassebealit dárbbasit defineret čovdosiid mat leat dohkálaččat goappašiidda. Doaibmabiddji oažžugoahat konsultašuvnaproseassa áigái nu fargga go Orohat 9 Čorgaš lea válmmas dasa. Dát šaddá mañnel go orohat lea ožžon ollislaš gova doaibmabijus. Máhcahat sáddejuvvo e-poastadiehtun. Áigemearri lea cuoŋománu 22. beaivi.

Doaibmabiddji lea maid ásahan oktavuoda báikkálaš fierpmádatfitnodagain Area Nett AS (ovdal LeGa Nett AS) čađahan dihte álgoságastallamiid. Fáddá lea dárbu nannet Čorgašnjárgga báikkálaš fápmofierpmádaga.

Loahpas oažžu lasihit ahte Arktis Energi AS lea báikkálaš fitnodat man čujuhus lea Gilivuonas. Dat áigu iežas báikkálaš vuolggasajiin leat mielde čađahit prošeavtta.

2 Čilgehus doaibmabiju birra

2.1 Oppalaččat

Gáŋgaviikka ja Davvesiidda gielddain lea dáhttu viiddidit báikkálaš ođasnuvi energiijaresurssaid. Dát lasihivččii servodaga guoddevaš ovdánahttima ja bargosajiid ja doarjjošii ealáhusaid. Mánnggaláŋan ja geasuheadđji bargosajit soaitá deháleamos go áigu hehttet olmmošlogu unnumis ja unnidit eretfárrema. Bieggafámu stuorimus posiitiiva effeakta ja árvohuksen oazžašuvvá go fápmu dikšojuvvo báikkálaččat ja regiovnnaččat, ja go energiija sáhtta eksporteret.

Nugo čilgejuvvui badjelis nuppi kapihttalis, lea H2Carrier ráhkadan integrerejuvvon PtX-prošeavtta (Power-to-X) mii gokčá olles árvogollosa - ođasnuvi fápmobuvttadeami ceggen, hydrogena ja ammoniáhka báikkálaš buvttadeami ja hydrogena ja ammoniáhka distribušuvdna geavaheddjiide. Guovddážiis lea vel geavahit ávkin oalgerávnnjiid nugo oksygena ja lieggasa. Integrerejuvvon prošeakta lasiha báikkálaš ja regiovnnaš árvohuksema, earenoamážit daidda gielddaide mat lágidit bieggafámu. Prošeakta maid livččii stuorra veahkkin ollašuhttit nationála ulbmiliid unnidit CO₂ luitosiid.

Evttohuvvon viiddidankonseapta dábálaš čovdosiid hárrái


Váilevaš kapasitehta regiovnnaš ja nationála sirdinfierpmádagas cakkada eananbieggafámu ovdánahttima ja ođđa industriija Finnmárkkus. Statnett mearridii 2020 ohcat konsešuvvna ovttahttit fierpmádagaid Skáiddis Adamselvi. Dát nannešii elfámu doaimmaheami Nuorta-Finmárkui. Go dat doaibmabidju gárvána, de livččii ain hehttehus Čorgašnjárgga stuorimus čoahkkebáikkiid ja 420kV-linnjá laktinsaji gaskkas mii lea Adamselvas.

Doaibmabiddjis ja Statsnettas lea dialoga fierpmádatbálvalusaid birra, mat giedahallet balánssa ja fierpmádat-suodjalusa Gilivuonas. Lea dehálaš bajásdoallat elfámu doaibmansihkarvuoda vaikko leage váilevaš sirdinkapasitehta guovddášfierpmádahkii. Dát lea vejolaš go PtX-buvttadeapmi lea heivehahti ja sáhtta čuovvut bieggafámu buvttadeami duohtaáiggis. Buffervuogádagat/researvávdnji PtX-rusttegis geavahuvvo bajásdoallan dihte kritihkalaš vuogádagaid ammoniákkaproseassas ja bieggafápmorusttegis. Dán sáhtta heivehallat ja nu giedahallat vejolaš váilevašvuodaid eará sajiin báikkálaš ja regiovnnaš fierpmádagas. Doaibmabiddji lea ovdal sádden bivdaga Statnettii laktit olles prošeavtta fierpmádahkii. Ohcamušas OV:ii lea áššenummar 24/01624 ja vástideaddji P2XFloatera fierpmádatlaktinohcamušas lea áššenummar 23/00790. Ohcamušaide gullet dihto eavttut ja Statnett árvoštalla daid ollislaččat.

Tabealla 1-3

Plánaguovllu aréala	60km ²
Installerejuvvon effeakta	Gitta 600 MW
Effeakta guđege turbiinnas	6-12 MW
Turbiinnaid lohku	50-100 WTG
Guovddáža allodat	114-150m
Rohtora čađamihttu	150-190m

Vejolaš jahkebuvtadeapmi	2,5 TWh
Luottaid guhkkodat	70-100 km odđa luodda
Guoskevaš káijjat	Odđa čiekŋaliskáija Donjevuonas ja Gilivuonas
Siskkáldas kábelat	Mearriduvvo detálljaplánas
Transformáhtorstašuvnnat	Storvannet, Bjørnviiktua



2.3 Guovllu válljema kriterat

Buorit bieggaresurssat leat dehálaččat go vállje huksenbáikki. Bieggaresurssat čilgejuvvojit konkrehtabut oasis 2.9.

Dán odđa dieđáhusas lea Doaibmabiddji unnidan plánaguovllu maŋŋel go Orohat 9 Čorgas buvtii cealkámuša, ref. kommentáraid badjelis vuosttaš oasis «Ovdasánit (Forord)».

Doaibmabiddji lea maid deattuhan ahte goappašiin gielddain lea ollislaččat posiitiiva oaidnu ovdánahttit odasnuvvi energiija bieggafápmorusttegiin. Spesifihkka guovlu, Bjørnviiktua, lea válljejuvvon lágideaddji gielddaid ja eará báikkálaččaid cavgilemiid maŋŋel.

Doaibmabiddji deattuha ain bargat dakkár guovlluidd gaskkas gos juo lea ásahuvvon infrastruktuva ja olbmodoaimmat. Plánaguovlu gokčá Donjevuona ja Gilivuona gaskasaš areála. Dat leat Gáŋgaviika ja Davesiidda gielddaid hálddahušguovddážat.

3 Láhavuodđu

3.4 Sámeláhka

Lága ulbmil lea lágidit diliid nu ahte sámi álbmot Norggas sáhtta sihkarastit ja ovddidit iežas giela, kultuvrra ja servodateallima. Sámeláhka gusto daid ráddjehusaiguin mat čuvvot ILO-konvenšuvdna nr. 169 eamiálbmogiid ja čearddalaš álbmogiid hárrái iešstivrejeaddji riikkain. Lága galgá geavahit álbmotrievtti njuolggadusaid mielde eamiálbmogiid ja unnitloguid hárrái. Láhka cealká ahte «Sámedikki barggut leat buot áššit mat dikki mielas erenoamážit gullet sámi álbmogii» ja addá Sámedikki riekti buktit iežas oaivila ovdal go eará almmolaš orgánat šiehtadit áššiid mat gullet Sámedikki bargguide. Plánaguovllus leat gidđa-, geasse- ja čakčaorohagat. Konsultašuvnnat Sámedikkiin ollašuttet Sámedikki cealkinrievtti. Daid váldoášši leat váikkuhusat orohagaide ja boazodoalu beroštumiide. Láhka namuha maid doaimbajju váikkuhusaid kulturbirrasii.

5 Mielváikkuheami plána

Doaimbaidji áigu unnimusat deavdit formála gáibádusaid diehtoaddima ja proseassa hárrái mat plána- ja huksentáhka ja energijaláhka ásahit. Dat mearkkaša ahte ránnját ja eará guoskevaš oassebealit, ja etáhtat ja eiseváldit, galget diedihuvvot formála gáibádusaid mielde almmolaš gulaskuddama hárrái. Guovloregulerenplánat fertejit maid čuovvut njuolggadusaid boazodoalloberoštumiid konsultašuvnna hárrái.

Ovdal diedáhusa lea Doaimbaidjis leamaš oktavuoha lágideaddji gielddaiguin, orohagaiguin, fylkkain ja Nuorta-Finnmárkoráđiin, ja nationála eiseváldiiguin Stuorradikki Energiija komitea bokte (Tabealla 5-1):

Tabealla 5-4

Beaivi	Oassálastit	Čilgehus
2022	Davvesiidda gieldda	Oktasašbargošiehtadus ruoná ammoniákkabuvttadeami hárrái Davvesiiddas
2022-08-19	LeGa Nett AS	Introdukšuvdna: Hydrogena- ja ammoniákkaplánat maid vuodđu lea báikkálaš bieggaovdánahttin
2022-08-25	NVE	Presentašuvdna: Ollislaš energijiačovdosat maid vuolggasadji lea P2XFloater ja ohcanproseassa ovddosgvlui
2023-01-13	Statnett	Fierpmádatlaktima ohcamuš P2XFloaterii
2023-03-21	Statnett	Čoahkkin P2XFloater fierpmádatlaktima birra

2023-05-03	LeGa Nett AS	Diedáhus 132kV Adamselv-Kjøllefjord-Mehamn birra ja hydrogena- ja ammoniáhkkarusttega (P2XFloater) laktima birra
2023-06-29	Kystverket	P2XFloater báikemearridanproseassa Davvesiidda gielddas
2023-10-31	Gáŋgaviika gielda	Presentašuvdna: Ollislaš energiijačovdosat maid vuolggasadji lea P2XFloater
2023-11-07	Arktis Energi AS	Registrejuvvo ovttadatregisttar ja čujuhus lea Gilivuonas
2024-01-16	Statnett	Diehtajuohkinčoahkkin fierpmálaktinohcamušaid birra
2024-02-01	Finnmárkku fylkkagielda	Diehtajuohkinčoahkkin Finnmárkku ovdánahttinplánaid birra
2024-02-23	Davvesiidda gielda	Presentašuvdna: Vuoksavuona bieggafápmorusttega plánat
2024-03-05	NVE	Dialoga Vuoksavuona bieggafápmorusttega ovdánahttinplánaid birra ja Rubbedalshøgda bieggafápmorusttega birra oktan Gihpovuona P2XFloateriin ja Kongsfjorda P2XFloateriin
2024-04-18	Gáŋgaviika gielda	Presentašuvdna: Vuoksavuona bieggafápmorusttega ja Gihpovuona P2XFloatera bieggafápmoplánat
2024-04-18	Davvesiidda gielda	Plánaid dálá dilli
2024-02-13	Orohat 9 Čorgaš	Korrespondánša
2024-02-20	Orohat 9 Čorgaš	Korrespondánša
2024-05-04	Orohat 9 Čorgaš	Reive Davvesiidda gildii
2024-08-12	Area Nett AS	Fierpmádatčovdosiid koordineren
2024-08-13	Davvesiidda ja Gáŋgaviika gielda, NVE	Diehtajuohkinčoahkkin ja gielddaid gaskasaš koordineren
2024-09-03	Orohat 9 Čorgaš	Čoahkkin: Prošeakta, prošeaktašiehtadus ja gaidnu ovddosguvlui

Doaibmabiddji lea ásahan ruovttusiiddu prošehtii, www.arktisenengi.no, gos leat dárbbášlaš dieđut. Sihke ruovttusiiddu ja kantuvra presenterejit ođđa dieđuid proseassa ja konsekveansačielggademiid birra. Dat addá stuorra oassálastin- ja váikkuhanvejolašvuohta, nugo čuovvovačča váikkuhusriekkis čájeha:

Doaibmabiddji válldii vuosttaš oktavuoda guoskevaš boazodoalloberošteddjiid ovddasteddjiiguin guovvamánus 2024. Čorgaš orohat čilgii reivves man beaivi lea 2024.06.04 daid konsekveanssaid mii bieggafápmu dagahivččii orohakkii, earret eará Vuoksavuona bieggafápmorusttet. Dan cavgileami geažil lea Doaibmabiddji mudden Vuoksavuona bieggafápmorusttega plánaid ja unnidan evttohuuvon plánaguovllu olu, vai boazodoallovahágt unnot.

Orohaga 9 Čorgaš ja Doaibmabiddji gaskasaš fysálaš čoahkkinn dollojuvvui Davvesiidas čakčamánu 3. b. 2024. Fádđa lei prošeakta ja prošeaktašiehtadus. Bargu eambo heivehusaiguin ja litnudeaddji doaibmabijuiiguin joatkašuvvá plánedettiin ja hábmedettiin bieggafápmorusttega.

Eambo ságastallamiid ja konsultašuvnnaid vuolggasadjin lea dehálaš ahte lea buorre diehtovuoddu árvoštallan dihte bieggafápmorusttega váikkuhusa boazodollui ja areála- ja birasváikkuhusa. Dán oktavuodas lea positiiva ahte Ráđđehus iežas doaibmabidjobáhkas energiija ja boazodoalu várás čilge doaibmabijuid mat lasihit dieđu ja diehtovuoddu dain áššiin mat gusket energijarusttegiid huksemii.

Doaibmamuttus áigu Doaibmabiddji ásahit lagas ja buori dialoga Orohagain 9 Čorgaš. Ulbmil lea koordineret bálvalan- ja bajásdoallankampánjaid, dieđihit váttisvuodaid jiekŋabáikuma hárrái, váldit vuhtii bohccuid johtima, guottetáiggi jna.

Doaibmabiddji lea geahčadan Fovsen-ášši vásáhusaid. Dáid vásáhusaid ja čoahkkimiid ja ovdaságaid váldá mielde ovddosguvlui proseassas.

Vuoksavuona bieggafápmorusttega lassin leat presenteren eará doaibmabijuid hukset ođđa energijarusttegiid areálaide mat gusket orohakkii 9 Čorgaš. Orohakkii lea stuorit bargonoaddi ja bargogolut vealtameahtun go doaibmabiddjiid areálageavahanplánat ollašuvvet. Doaibmabiddji áigu danin láchit oktasašbarggu ja proseassa mii šaddá nu álki go vejolaš orohakkii. Dat sáhtta mearkkašit heivehallat čoahkkimiid, earret eará nu ahte dat heivejit boazodoalu dárbbuide ja ráddjehusaide, ja vel ahte čoahkkimat leat lagasbáikkiin ja ahte áigi mearriduvvo buriin jurdagiin. Doaibmabiddji áigu proseassa áigge, maŋjel siehtadeami, gokčat boazodoalu goluid mat gullet čoahkkimiidda, mátkkošteapmái ja juridihkalaš ja/dahje eará ráđdeaddiide. Dát čielggaduvvo lagabut proseassašiehtadusas orohagain 9 Čorgaš.

Doaibmabiddji áigu oktii ráđiid lágideaddji gielddaiguin ovddidit dan proseassa mii lea juo álgán ja oazžut áigái buori dialoga boazodoalloealáhusain. Čielggadanprográmmas doaibmabiddji áigu oazžut boazodoalu fágačeahpi searvat, gii veahkeha hábmet muttágis čovdosiid ja identifiseret relevánta litnudeaddji doaibmabijuid. Orohat 6 áigu maid searvat go bieggapárkkas mii lea oidnosis sáhtta váikkuhit sidjiide. Árvaluvvon bargoplána boazodoalloberoštumiiguin lea vuollelis.

Doaibmabiddji láchá jotkkolaččat ja proaktiivvat dieđuid ja eiseváldiid, ránnjaid ja guoskevaččat oassálastima ovdii. **Tabealla 4-5** čájeha vejolaš vuogi láchit buori ja njuovžilis diehtujuohkima ja báikkálaččaid ja guoskevaš eananeaggáid ja ránnjaid oassálastima. H2Carrier lea dieđusge rabas heivehit dan bargovuogi ja hálida gullat eará evttohusaid gulaskuddanvuorus.

Tabealla 4-5 Vejolaš bargovuohki báikkálaš diehtujuohkima ja oassálastima várás

Áigi	Ulbmiljoavku	Fáddá	Kommunikašuvdnavu ohki
Golggotm. - Skábmam. 24	šiehtadanjoavku – relevánta organišuvvat ja searvvit Davsesiida ja Gáŋgaviikka gielddas.	Álgočoahkkin – ráhkadit plána, čielggadit ulbmiliid ja bargovuogi	Fysálaš čoahkkin
Cuoŋomán u 25	Rabas kantuvra gos buohkat sáhttet čoahkkanit. Dialoga ja diehtajuohkin Davsesiiddas ja Gáŋgaviikkas.	Diehtajuohkin plána- ja čielggadanbarggu birra – árra muddu. Vejolašvuohta gažaldagaide ja evttohusaide	H2Carrier bargit bohtet dohko.
Cuoŋomán u 25	Šiehtadanjoavku	Diehtajuohkin ja dialoga: Plánahábmen, diehtoaddit, dehálaš čuolmmat KU-barggus	Fysálaš čoahkkin
Miessem. - geassem. 25	Jearahallan	Viežžat dieđuid árbevirolaš bargovugiin ja oahpásnuvvat guoskevaš guovlluid lundui	Čálálaš/Teamsjearahallan
Golggotm. 25	Šiehtadanjoavku	Dieđut KU gávdnosiid birra, plánahábmema stáhtus Cavgileamit plána- ja čielggadanbarggu gárvvisteapmái	Fysálaš čoahkkin

Doaibmabiddji áigu lágideaddji gielddaiguin árvoštallat dárbbu ásahit šiehtadanjoavkku. Joavku ii galgga leat beare stuoris (áinnas gávccis-logis). Dain guovlogeavaheddjiin, geaidda plánejuvvo huksen čuoheá njuolga dahje eahpenjuolga, galget leat ovddasteaddjit. Dakkár searvvit ja organisašuvnnat mat galggašedje searvat leat gilisearvvit, olgoeallinorganisašuvnnat, ealášhusorganisašuvnnat, boazodoallu jna. Doaibmabiddji lokte gažaldaga gielddaiguin geain galggašedje leat ovddasteaddjit. Čoahkkimiid ja rabas kantuvrabeivviid lassin deattuhuvvo buorre diehtajuohkin proševtta birra doaibmabiddji ruovttusiidduin.

Oassi plánen- ja čielggadanbarggus lea ahte doaibmabiddji almmolaččat sihtá eamiálbmogiid ja unnitloguid ja eará báikkálaččaid buktit cealkámušaid ja dieđuid plána- ja váikkuhusguovllu birra. Dat gárten čađahuvo sihkkarit gažaldatskovi bokte. Soitet jearahallamat maid. Dat galgá gokčat árbevirolaš bargovugiid luonddu árvoštallama, ja mot plánejuvvo rievdeameit váikkuhit geavahusaid mánggalárganvuhtii.

Gielddat: Galgá maid leat jotkkolaš oktavuoha lágideaddji gielddaiguin neahttačoahkkimiid ja njuolga gulahallama bokte. Gielddat galgaba árra muttos searvat plánen- ja hábmenprosessii, vai lea vejolašvuohta cavgilit ja váikkuhit beassan- ja káijačovdosiidda, bieggafápmorusttega hápmái ja eará infrastruktuurii.

Eananeaiggádat: Doaibmabiddji lea doallan álgočoahkkima FeFo:in mii lea plánaguovllu eananeaiggát ja ovdanbuktán Rubbedalshøgda bieggafápmorusttega plánaid. Doaibmabiddji áigu čuovvulit dan FeFo:in ja váldá oktavuoda eará guoskevaš eananeaiggádiiguin. Bargu eananeaiggátšiehtadusain lea jodus ja gárvána daid ovdal mearriduvvon standárddaid mielde.

Eará instánssat: Ságastallamat ja čoahkkimat Area Nettain leat maid jodus. Sii leat ožžon fierpmádatlaktima ohcamuša. Plána lea doallat čoahkkimiid almmolaš ja regiovnínalaš eiseváldiiguinnai.

6 Vejolaš konsekvanssat

6.13 Sámi beroštumit


6.13.1 Sámi ealáhusat

Plánat mat gieđahallojit plána- ja huksenlága § 3-1 vuosttaš oasi bustáva C mielde sihkarastet sámi kultuvrra, ealáhusaid ja servodateallima vuodđoeavttuid. Sámedikki plánaveahki mielde dat sáhtta čatnasit boazodollui, bivdui, meahcásteapmái, murremii, muorječoaggimii ja ávnasteapmái. Plánaveahkki fuomášahtta ahte listu ii govčča visot beliid. Boazodoalloláhka čielggada boazodolliid vuoigatvuodaid. Dat mearkkaša vuoigatvuolta bivdit stáhtaopmodagas, ii-matrikulerejuvnon stáhtaopmodagas ja finnmárkkuopmodagas sámi boazoguovllu siskobealde. Geavaheapmi dološ áiggi rájes sáhtta maid leat addán dan vuoigatvuoda priváhta opmodagas. Dasa čuovvu maid vuoigatvuolta háhkat boaldámuša ja muora almmolaš ja priváhta eatnamis, ja vel vuoigatvuolta cegget orrunsaajiid (barttaid jna.), bivdit ja meahcástit eará ládje. Sámit ja eará olbmot geat eai leat mielde boazodoalus sáhttet maid leat ožžon vuoigatvuoda geavahit odasnuvvi resurssaid guhkesáigásaš geavaheami geažil.


6.13.2 Boazodoallu

Vuoksavuona bieggafápmorusttet ja dasa gullevaš luottat ja fierpmádatlaktin huksejuvvo guovlluide maid orohat 9 Čorgaš geavaha. Doaimmat huksen- ja doaibmanmuttus váikkuhit boazodollui. Boazodoalu areálagárta čájeha dás vuollelis ahte plánaguovlu geavahuvvo eanas gidđaorohahkan ja geasseorohahkan ja čohkkenguovlun. Dan birra šaddá sáhka vuollelis.

Plánaguovllu olggobealde dakko lahkosiin lea boazodoallorusttet fylkaluotta 888 guoras, lahka fylkaluotta 888 ja 894 gaskasaš ruossa. Bissovaš áidi manná Sørbotnis Storelva guora ja ain nuorttas meaddel Oksevatna. Dakko áidi mohkkasa lulás ja manná ain dobbelii sullii fylkaluotta 888 guora. Davábealde fv. 888 lea registrerejuvnon čohkkenguovlu. Davin plánaguovllus ja maiddái dakko olggobealde leat registrerejuvnon guotteteatnamat ja árra gidđaorohat. Eanas oassi plánaguovllus lea sarváid ja áldduid gidđaorohat. Nuortan plánaguovllus leat siskelis alla geasseorohat mii gokčá smávva areála Bjørnviktuas ja Kinnaroddenis. Vuollegis geasseorohat gokčá eanas oasi plánaguovllus Čorgašnjárggas. Árra čakčaorohat leat sullii seamma guovllus go alla geasseorohat.



Målestokk: 1:350 000	Utarbeidet av:
Prosjektnavn: Oksefjorden vindkraftpark	V I
Dato: 19.06.2024	L J
Kartgrunnlag: Topografisk norgeskart	



Figur 6-13-1 (badjelis) ja 03-2. Guoskevaš orohagat, guohtuneatnamat ja boazodoallorusttegat plánaguovllu birra. Dálveorohagat eai leat plánaguovllu lahkosiin.

Boazodoallu ja bieggafápmorusttegat konkurrerejit ja oččodit seamma alla eatnamiid. Buorit bieggadilit dávjá mearkkašit buriid guohtun- ja bálgandiliid bohccuide. Reivves mas lea beaivemearri geassemánu 4. b. 2024 čielggadii orohat 9 Čorgaš, mat váikkuhusat odđa bieggafámu huksemis lea, nugo omd. Vuoksavuona bieggafápmorusttet. Reive mii lea refererejuvvon vuollelis deattuha odđa guovllu mearkkašupmi gidđaorohahkan ja bálganbáikin.

Orohaga cavgileapmi dagahii njuolga ahte Doaibmabiddji váljjii unnidit álgodoaibmabiju, unnidan dihte negatiiva váikkuhusaid boazodollui. Dat oassi plánaguovllus mii gulai Skjøtningbergii sihkkojuvvui ollásit. Seammás sihkkojuvvui maddái areála plánaguovllu davvenuortan, vai bohccuin lea geinnodat guohtuneatnamiidda Gidnegeaži birrasiidda.

Bieggafápmorusttega plánema ja hábmema čadahuvvo ovddosguvlui oktii ráđiid Orohagain 9 Čorgaš vai šaddá dialoga. Fysálaš čoahkkin orohagain 9 Čorgaš dollojuvui čakčamánu 3. beaivvi.

Okta doaibmabiju vealtameahttun osiin lea dárbu hukset odđa fápmojohtasiid. Dat sáhttet čuohcit boazodollui, go boazu garvá daid. Areálat sáhttet juohkásitnai. Dakkár dili galgá garvit nu ollu go vejolaš, go linnjátraseaid bidjá dakko gokko juo leat linnját.

7 Čielggadanprográmma evttohus

7.2.5 Sámi beroštumit ja boazodoallu

7.2.5.1 Sámi kultuvra ja servodateallin

Dáid áššiid galgá čilget

- Mot doaibmabidju sáhhtá váikkuhit sámi kultuvrii ja servodateallimii. Galgá earret eará árvoštallat mot doaibmabidju váikkuha fysálaš birrasii, ja vel mot dat čuoheá sosiálalaččat ja kultuvrralaččat guovllu sámi kultuvrii. Galgá vel árvoštallat váikkuhusaid sámi kulturárbbiidde, ja doaivaga joatkit daid árbbiid.
- Go árvoštalla leatgo plánejuvvon rievdadusat guovllus vahágin dahje hehttejitgo árbevirolaš geavaheami, de váldogažaldat lea, buhttejitgo odđa bissovaš bargosajit daid váikkuhusaid, dahje gelbbolašvuodá lassáneapmi, dahje ruhtadoarjagat mat leat sámi kultuvrii ja servodateallimii ávkin guoskevaš guovllus. Čielggadeapmi mii guoská sámi ealáhusaide, meahccegeavaheapmái, kultuvrii ja servodateallimii galgá ráhkaduvvot daid dieđuid ala, mat bohtet báikkálaš, regiovnnaš ja guovddáš eiseváldiin, eananeaiggádis (FeFo), meahcceserviin, giliseriviin, bivdoserviin ja eará sámi beroštusorganisašuvnnain.

7.2.5.2 Sámiid árbevirolaš meahccegeavaheapmi

Dáid áššiid galgá čilget oanehaččat

- Mot doaibmabidju sáhhtá váikkuhit árbevirolaš meahccegeavaheapmái. Válđoášši lea váikkuhusat daidda guovlluide mat adnojuvvojit dárbbalažžan vai dakkár ealáhusat cevzet. Dát guoská earret eará árbevirolaš bivdoguovlluide, luomejekkiide, suoidnebáikkiide ja juhkančáhcegálduide.
- Go árvoštallá váikkuhusaid meahccegeavaheddjiide ja sámi ealáhusaid, galgá válđoášši leat guovllu árbevirolaš geavaheapmi ja erenoamáš geavahanvugiid. Dát šaddet váikkuhusaid árvoštallama vuodđu.

7.2.5.3 Boazodoallu

NVE dábálaš gáibádusat fierpmádatrusttegiid konsekveansačielggadeapmái

Fáddá lea relevánta daidda doaibmabijuide mat leat boazoguovlluin ja mat sáhhtet váikkuhit olu boazodollui. Čielggadeami vuodđu galgá leat Luoddadirektoráhta [giehtagirji V712](#) metodihkka, deike gullet kriterat maiguin árvoštallat árvvu, váikkuhusa ja konsekveansa. Dat giehtagirji čilget dan metodihka oalle dievaslaččat.

- Boazodoalu areálageavaheami váikkuhusguovllus galgá čilget boazodoallogárttaid veagas. Galgá bivdit boazodoallohálldahusain ja boazodolliin odđa lassidieđuid. Iskkadeapmi čađahuvvo dárbbu mielde.
- Galgá ráhkadit oanehis čoahkkáigeasu dain dieđuin mat juo leat doaibmabiju vejolaš boazováikkuhusaid birra, deike gullet energiijarusttega iežas váikkuhusat, olbmuid johtolaga, eananduoguštus ja dakkárat.
- Čielggadeapmi fertet oažžut čielgasa njuolga guohtunmassimiid sturrodagas ja árvoštallat daid váikkuhusaid, ja maid mot doaibmabidju čuoheá geinnodagaide ja johtolagaide, maidái lassánan olbmojohtolaga geažil.

- Guohtun- ja guohtuneatnamat, geinnodagat ja johtolagat, dehálaš boazodoallorusttegat ja doaibmabidju galgá merket gártii.
- Árvoštallan galgá vuhtiiváldit mot prošeakta sáhttá váikkuhit boazodoalu geavaheapmái dan guovllus. Deike gullet hehttehusat luonddus, eambo jienat, lassánan johtolat ja boazodoalu váttásnuhttin, nugomat stuorit bargonoaddi, áibmojohtolaga hehttehusat helikopterčohkemii jna.

Ollislaš váikkuhusat ja oktavuoha ON siviila ja politihkalaš vuoigatvuođaid konvenšuvdnii:

- Čielggadeapmi galgá árvoštallat doaibmabidju ollislaš váikkuhusaid. Dan vuođdu leat čadahuvvon, mearriduvvon dahje dohkkehuvvon plánat dahje doaibmabidju daid orohagaid siskkobealde.
- Galgá boahit ovdan jus doaibmabidju okto, dahje buot váikkuhusat ollislaččat, sáhttet čuohcit guoskevaš orohagaid vuođđoeavttuide bargat bohccuiguin dálá ja boahhteáiggis, mii livččii ON siviila ja politihkalaš vuoigatvuođaid konvenšuvnna § 27 vuostá.

Koordineren eará fáttáiguin:

Fáddáčielggademiid relevánta dieđut ráhkadit čielggadeami vuođu. Fáttát leat (sámi) kulturmuittut ja kulturbiras, areálageavaheapmi, olgoeallin, mátkkoštanealáhus (sáhttet earátnai).

Doaibmabiddji presiseremat:

Báikkálaš boazodoallit leat iežaset doaimma ja doaibmadiliid áššedovdit. Danin lea dehálaš ahte sin máhttu ja vásáhusat bohtet mielde diehtovuođui. Čielggadanbarggu galggašii danin iskkadit guovllu boazodolliiguin dahje daiguin geain lea njuolga máhttu boazodoalus dakkár eatnamiin. Čielggadanbarggu vuolggasadji lea dat dieđut mat juo leat guohtuma ja eará báikkálaš doaibmadiliid birra. Boazodoalu árbevirolaš guovlogeavaheapmi galgá orohaga veagas gártejuvvot ja iskkaduvvot. Orohat, guoskevaš ránnjorohagat, boazodoallohálldahus (Stáhtahálldašeaddji) ja Sámediggi servet konsekveansačielggadeapmái. Buot dialogat čielggadeaddji ja boazodoalu gaskkas galggašedje leat davvisámegillii vai dieđut sirdašuvvet dárkilit. Litnudeaddji doaibmabidjuid galgá árvoštallat daid konsekveanssaid vuođul mat bohtet ovdan čielggadettiin.

Iskkadeamit ja čielggadeapmi galget čadahuvvot gustovaš metodihka mielde. Vuolggasadji lea dat dieđut mat juo leat bieggafámu buvttadeami váikkuhusaid birra boazodollui. Energiijadepartemeanta lea biddán dutkaninstituhta NIBIO hábmet buoret metodihka čielggadit váikkuhusaid boazodollui, mii livččii oassi doaibmabidjobáhkás boazodoalu ja energiija várás. Earret eará hábmet vuogi árvoštallat ollislaš vahágiid muhtin orohagas. Jus ođđa vuohki čielggadit konsekveanssaid boazodollui (mas lea vuohki čielggadit ollislaš vahágiid muhtin orohagas) lea válmmas ovdal dálvvi 2024/25, áigu doaibmabiddji atnit dan vuogi vuolggasadjin konsekveansačielggademiide. Sisabahkkengárta dievasmahttá čilgehusa orohakii čuohcci ollislaš vahágiid birra.

Gaskaboddasaš plána čadahit fealttabarggu ja čoahkkimiid guoskevaš orohagain:

Áigodat	Fáddá	Dialoga/kommunikašu vdnavuohki
Čakčamánnu/golggotmán nu 2024	Presenteret boahttevaš KU-barggu ja guoskevaš orohagaid čielggadeddjiid	Fysálaš čoahkkin
Golggotmánnu/skábmam ánnu 2024 ja/dahje suoidnemánnu-čakčamánnu 2025	Čoahkkin ja iskkadeapmi orohagain, válđoáššit leat árvvut, váikkuhusat ja litnudeaddji doaimbajut	Fysálaš čoahkkin ja iskkadeapmi
Golggotmánnu/skábmam ánnu 2024 ja/dahje suoidnemánnu-čakčamánnu 2025	Čoahkkinreferáhta ja iskkadanraporta sáddejuvvojit boazodollui kommentáraid dihte	E-poasta
Dálvi 2024/2025 ja Čakča 2025	Dárbbu mielde – čuovvolančoahkkimat Teamsas, dahje fysálaš čoahkkimat	Teams (sáhtta fysálaš čoahkkinai)
Čakča 2025	Raportaevttohus – čilgehus boazodoalu ja litnudeaddji doaimbajuid birra sáddejuvvo boazodollui kommentáraid dihte	E-poasta